



Ussa vegni concret

Il program, las glistas dals participants, ils concerts e las preschentaziuns èn a partir d'immediat disponibels sin <http://www.jodlerfest-davos.ch/programm/teilnehmerliste.html>. Uschia pon ins nudar las preschentaziuns dals favurits persunals e crear in program da festa individual gia ordavant.

In avantatg è che las vias a Tavau èn curtas e che quasi tut ils locals da preschentaziun èn en ina retscha per lung da la promenada, ins las chatta pia facilmain. Quai è almain il cas per ils jodladers. La ruta dal cortegi da la dumengia cumenza tar la baselgia Herz Jesu e finescha gia suenter dus kilometers tar la baselgia St. Theodul. A sanestra ed a dretga da questa via prin-



cipala chatt'ins l'emprim il center da congress cun ses trais locals, suenter la baselgia englaisa per las preschentaziuns libras e lura il center da scola cun la sala da gimnastica Arkaden e l'aula. Bunamain a la fin èn ins tar l'hotel Schweizerhof e sch'ins chamina amunt stattan ins davant il center-pravenda catolic e la Marienkirche.

Tgi che vul far patgific po far diever dal bus local che circulescha en in tact da set minutas e sa lascha manar a moda cumadaivla a la destinaziun en mira. Quai è dal reminent ina purschida gratuita per ils participants ed ils visitaders da la festa da jodladers.

Anc pli simpel èsi da chattar ils bittabandieras. Els s'installeschan en l'encunuscenta Arena Vaillant gist sper il vitg dals jodladers. Tgi ch'è malsegir, sto mo dumandar in fan da hockey.

Era per ils sunatibas vegnan messas a disposiziun duas plazzas tut spezialas. L'emprima sa chatta gist sper il center da scola e persvada cun sia acustica eccellente. Per tadlar la preschentaziun al Bolgen ston ins bandunar la via principala e prender la via en direcziun da l'aula. Là pon ins giudair suns da tiba en in'arena natirala, ins n'als savess betg preschentar meglier insanua auter.

La fin d'emna dals 3 fin ils 6 da fanadur stat l'entir vitg da Tavau sut l'ensaina da la festa da jodladers.

Correspondentamain vegn era l'organisaziun da la circulaziun dal trafic adattada ed ultra dal bus local fa era la Viafier retica sururas. Durant il temp da viadi principal èn otg cumposiziuns da tren per ura sin via tranter Landquart e Tavau ed enavos. Per ils automobilists prepar'ins las vias d'access a Tavau cun gronds parcadis ch'èn colliads ad ina rait da shuttlebus.



Ils participants e visitaders da la festa da jodladers na vegnan betg mo da l'entira Svizra en las muntognas grischunas. En il fratemp èn er ils bigliets da tren sin via tar noss amis da l'exteriur. Quest onn dastgain nus beneventar furmazziuns dal Canada, dals Stadis Unids da l'America, da l'Africa dal Sid e guarda, guarda da la Brasilia. Vairs jodladers stattan sco ch'i para fidaivels a lur hobi, malgrà il campinadi mundial da ballape en l'agen pajais. Da l'ost spetgain nus ina gruppa dal Giapun e da l'Ucraina ed in jodlader giuven da la Mongolia che na po betg spetgar d'emprender il jodlar original en sia patria.

Bilder gesucht zum Thema «Ich und unsere Traditionen»

Was verstehen wir unter dem Begriff «Tradition»? Wie werden nachfolgende Generationen unsere heutigen Traditionen leben und erleben? Im Rahmen eines Forschungsprojektes ruft die Hochschule Luzern – Musik derzeit die Mitglieder des Eidgenössischen Jodlerverbandes (EJV) auf, ihre Vorstellungen von Tradition im Zusammenhang mit Jodeln, Alphornblasen und Fahenschwingen mit einem Foto aufzuzeigen. Aus den eingesendeten Bildern wird eine Diashow erstellt, die am 3. Juli 2014, dem Vorabend des Eidgenössischen Jodlerfests in Davos, im Kongresszentrum zu sehen ist. Zudem wird der EJV in einer Publikation, die Ende Jahr erscheint, über die Ergebnisse des Projektes berichten. Einsendeschluss für die Bilder ist der 23. Juni. Weitere Informationen und Teilnahmebedingungen finden sich unter: www.hslu.ch/traditionen.